

## Transkription von Stadtbucheintrag HAL 1365b

Ort, Datierung: Halle, 1365-10-27

Signatur: Universitäts- und Landesbibliothek Halle, Yd 2° 31 (3), 51v [\[online\]](#)

Inhalt: Schöffenschaft zu Halle: Schiedssprüche und Nachlassvereinbarungen

---

Na Goddes gebort . Dretteynhundert iar . in deme / vifvndesestigsten iare . jn sente symo(nis) vnd  
jūden auende / Quam Ghese(ke) Heysen pitzker(es) vrūwe vor geheget / ding vnd vragede vmme eyne  
ordel , af Hans ōre / sone , die gaue mit rechte wedderspreken mōchte / die sý ōren dochteren in deme  
Clostere tū sente / Jūrgen geuen hadde , Do wart gevūden , sint dem / male . dat die <sup>1</sup> gaue gheue(n)  
were mit wetenschap , des / Richter(es) vn(de) mit sinem willen so mach Hans ōre sone / die gaue  
nicht wedderspreken von rechtes weghe /

Hinrik Dūveler quam in geheget ding . vn(de) be/gauede . Hanseken sines sones <sup>2</sup> sone ses smale schot  
gros(chen) / vt sime besten gude na sime dode /

Clawes hardūng quam in geheget ding . vnd be/gauede Grieten siner husvrūwen alle dat hie nū / het  
vnd vmmer mer gewinnet selue(n) wil he des / waldich sin die wile dat he leuet , hebben sie kind(er) /  
so schal die vrūwe kinder(e) diel nemen . /

Thile smet hadde besat . eyne ghantz smede thōwe / vnder weghehenen pawele . vor twenevndetwintich /  
gross(chen) vnde eyne schot briedes geldes vnd vor eyne[vnde]/voftich gross(chen) smailes geldes vnd het  
dat v̄p geb[...] / drū ding als recht is tū deme vierden dinge [wart] / ōme gevūden dat man ōn des  
gewaldigen scōlde / is dat smede thōwe betere so schal Thile smet [dat] / wedder gheue(n) is dat  
ergher(e) so schal siek Thile / smet sines schaden ir holen an deme sakewalde[re] / oder an deme sinen  
wū hie dat het /

Hinrik kūrtevrūnt quam in geheget ding vnde / begauede Beni(n)gnen siner husvrūwen alle dat / he  
nū het vmmer mer gewint seluen wil hie / des waldich sin die wile dat hie leuet , /

Beni(n)gne hinrik kūrtevrūndes hūsvrūwe / quam in geheget ding vnd begauede hinrik // orme werde  
alle dat sý nū het vnd vmmer mer / gewint /

Herman kaltzendorp . quam in geheget / ding vnd begauede Gerdrude siner husvrūwen / kinder diel an  
alle sime gūde wū hie dat het /

---

<sup>1</sup> **die** über der Zeile eingefügt

<sup>2</sup> **sones** über der Zeile eingefügt